

## **SHPLLJE PËR VENDE TË LIRA PUNE**

Bazuar në Kreun V të Ligjit 33/2021 “Për Gardën e Republikës së Shqipërisë”, të ndryshuar, Garda e Republikës shpall procedurat e aplikimit për:

- 5 vende të lira pune, për punonjës të nivelit bazë, grada inspektor.

### **I. KRITERET QË DUHET TË PLOTËSOJNË KANDIDATËT PËR PUNONJËS TË NIVELIT BAZË:**

- a) të jetë shtetas shqiptar;
- b) të ketë zotësi të plotë për të vepruar;
- c) të jetë i pajisur me vërtetimin e besueshmërisë;
- d) të ketë përfunduar arsimin e mesëm;
- e) të jetë deri në moshën 40 vjeç për aplikantët nga strukturat e tjera.
- f) të jetë me gjatësi trupore jo më pak se 175 cm;
- g) të jetë i aftë nga ana shëndetësore për të kryer shërbim në struktura që, sipas ligjit, lejohet të mbajnë armë;
- h) të mos jetë i dënuar me vendim të formës së prerë për kryerjen e një krimi apo për kryerjen e një kundravajtjeje penale me dashje;
- i) të mos jetë në ndjekje penale;
- j) të mos jetë përjashtuar ose larguar nga puna për shkelje ligjore apo disiplinore;
- k) të mos i jetë hequr e drejta e ushtrimit të funksioneve në administratën publike me vendim gjyqësor të formës së prerë.

*Kandidati që nuk plotëson qoftë edhe një prej kriterëve të mësipërme, nuk kualifikohet dhe nuk mund të vazhdojë konkurrimin.*

### **II. DOKUMENTET QË DUHET TË PARAQESIN KANDIDATËT:**

Kandidatët që aplikojnë për punonjës të nivelit bazë duhet të paraqesin në fazën e parë të konkurrimit dokumentet e mëposhtëm:

- a) Kërkesë për të konkurruar në pozicionin e shpallur vakant;
- b) Jetëshkrim (CV);
- c) Kopje të kartës së identitetit;
- ç) Dëftesën e shkollës së mesme ose listë notash, të cikluar në Drejtorinë Arsimore të rrethit, të fotokopjuar dhe të noterizuar;
- d) Vërtetim nga Gjykata;
- e) Vërtetim nga Prokuroria;
- ë) Raport i aftësisë në punë (sipas shtojcës V, të VKM nr.596, datë 4.9.2019), nga mjeku

i familjes;

f) Çdo dokumentacion tjetër që vërteton trajnimet, kualifikimet, arsimin shtesë, vlerësimet pozitive apo të tjera të përmendura në jetëshkrim;

g) Dy foto (9 X 12) me kostum dhe kollare.

Dokumentet dorëzohen në adresën: “Garda e Republikës, Rruga e Elbasanit, pranë Pallatit të Brigadave, Tiranë, ose duke u paraqitur personalisht në ambientet e Gardës.

Afati përfundimtar për dorëzimin e dokumenteve është **brenda datës 15.06.2026.**

Kandidati do t’i nënshtrohet intervistës dhe vlerësimit psikologjik, ditën e dorëzimit të dokumenteve.

### **III. SHQYRTIMI I DOKUMENTACIONIT DHE PROCESI I ANKIMIMIT**

Afati i shqyrtimit dhe verifikimit të dokumentacionit është 1 ditë pune nga përfundimi i afatit të aplikimit. Kandidati që nuk plotëson kriteret dhe nuk ka paraqitur dokumentacionin e kërkuar brenda afatit të aplikimit, skualifikohet dhe do të njoftohet individualisht për shkaqet e moskualifikimit (nëpërmjet adresës së e-mail ose me telefon).

Kandidati ka të drejtën e ankimit brenda 2 ditëve nga data e njoftimit të përgjigjes. Komisioni i Apelit shqyrton ankesat dhe kthen përgjigje brenda 2 ditëve nga data e marrjes së ankesës.

### **IV. TESTIMI I KANDIDATËVE**

Kandidatët e kualifikuar në fazën e dorëzimit dhe kontrollit të dokumenteve, duhet të paraqiten **në orën 08:00 të datës 17.06.2026**, në adresën: Qendra e Aftësisë Profesionale të Gardës së Republikës, Mullet, Tiranë, për t’iu nënshtuar testimit fizik. Kandidati që nuk paraqitet në kohë për testimin e aftësive fizike, skualifikohet.

Aplikanti skualifikohet kur nuk kalon me suksesë njërin prej komponentëve të mëposhtëm të vlerësimit:

- testi psikologjik;
- testi i aftësive fizike.

### **V. MËNYRA E VLERËSIMIT TË KANDIDATËVE**

Kandidatët kalojnë testimin e aftësive fizike nëse arrijnë rezultatin minimal 50 pikë. Renditja e kandidatëve do të bëhet sipas rendit zbritës të pikëve, nga rezultati më i lartë në atë më të ulët.

Komponentët e vlerësimit për testimin e aftësive fizike janë sipas lidhjes nr. 2.

### **VI. KOMUNIKIMI I REZULTATEVE TË KONKURRIMIT**

Në përfundim të të gjithë procedurës së konkurrimit dhe vlerësimit të kandidatëve, të gjithë kandidatët fitues, do të njoftohen individualisht në mënyrë elektronike (e-mail personal) ose me telefon nga Garda e Republikës.

Nr	ELEMENTËT TESTUES	PËR SASINË/ KOHEN		PIKËT	VLERËSIMI I REZULTATIT
		Meshkuj	Femra		
1	Ulje – ngritje me forcën e krahëve (pompa) për kohën 2’.	45	15	25	Shkëlqyeshëm
		43	13	23	Shumë mirë
		40	10	20	Mirë
		37	8	17	Kënaqshëm
		35	7	15	Mjaftueshëm
		33	6	13	Minimal
		nën.33	nën.06	12	Dobët
2	Palosje – shpalosje me Muskujt e barkut për Kohën 2’.	45	15	25	Shkëlqyeshëm
		43	13	23	Shumë mirë
		37	10	20	Mirë
		35	7	17	Kënaqshëm
		33	6	15	Mjaftueshëm
		30	5	13	Minimal
		nën.30	nën.05	12	Dobët
3	Tërheqje në hekur	10	4	25	Shkëlqyeshëm
		8	3	23	Shumë mirë
		7	2	20	Mirë
		5	1	17	Kënaqshëm
		4	1	15	Mjaftueshëm
		3	1	13	Minimal
		nën.03	0	12	Dobët
4	Vrapim rezistence 3000 m me uniforme sportive.	15’	17’30’’	25	Shkëlqyeshëm
		15’ 20’’	18’	20	Shumë mirë
		15’ 40’’	18’30’’	15	Mirë
		16’	19’	13	Kënaqshëm
		16’ 20’’	19’30’’	10	Mjaftueshëm
		16’ 40’’	19’ 50’’	8	Minimal
		mbi 16’ 40’’	mbi 19’ 50’’	7	Dobët